

DEDICATORIA.

zu Corintho seyn fleissig. Sehr fein vnd
 löblich ist/wenn die Menschen das Evan-
 gelium Jesu Christi/welches Gott aus
 grosser Gnade vnd Barmherzigkeit/zum
 Leben vnd Seligkeit gibt / mit Lust vnd
 Freude annemen/mit Fleiß hören vnd be-
 trachten / vnd in einem feinen guten Her-
 zen bewaren / vnd ihre Frucht bringen/
 Gott zu Lob vnd Ehren. Je grösser Lust
 vnd Fleiß / je grösser Frucht vnd Nutz.

Wie nu die zu Corintho sind fleissig ge-
 wesen: Also sind auch die Leute/da Luthe-
 rus auffgetreten/vnd Christum angefan-
 gen zu verkleren / vnd mit andern Lippen/
 denn zuvor geschehen / zu predigen/fleissig
 gewesen/haben seine Geistreiche Lehre vnd
 Schrift mit Lust angenommen / mit fleiß
 gelesen vnd gehöret / vnd nach der göttli-
 chen Warheit gefraget.

Also da in dieser letzten Zeit der Got-
 tesgelehrte vnd gottfürchtige Johann
 Arndt auffgestanden/vnd seine göttliche
 Schrift